

# Kommandant-Generaal Se Boodskap



Dr. J. F. J. van Rensburg

Die Kommandant-generaal, dr. J. F. J. van Rensburg, rig onderstaande Nuwejaars-boodskap tot die Ossewabrandwag:

In die eerste plaas wil ek Die O.B. gelukwens met sy vordering as weekblad; met die gehalte van sy stof en met die uitbreiding van sy formaat. Dit is en bly die belangrikste publikasie-middel wat ons het, en dit betaam elkeen van ons om die blad te sterk en te steun.

Aan die Beweging as geheel wil ek hierdie kort woord spreek: Ses jaar lank het u 'n taaie, ongeëwenaard taaie, Afrikanerstryd gestry. U het dit deur oorlogsvervolging gedoen ten spyte van elke hindernis en belasting wat die vyand van twee kante af in u pad kon rol. Die buitengewone magte waaroor hy met oorlogsgeld en oorlogsregulasies beskik het, raak nou in die agtergrond en die stryd word voortaan minder ongelyk.

Die Ossewabrandwag gaan die vredestryd in met 'n meer elastiese struktuur as wat in die oorlogsjare die geval was. Die gevare is minder en, dit wil ek hoop, die stryd minder swaar. As elkeen sy man staan, gaan ons wen.

Met dank vir die moed en trou en kameraadskap van die oorlogsjare,

U

Hans van Rensburg.

## PERMIT GEKRY VIR KLERASIE NA EUROPA

'n Uitvoerpermit vir die versending van klerasie na noodlydendes in Europa is deur die Unie-regering toegestaan, na genle. mev. J. S. du Toit Die O.B. namens die Kaapiandse komitee vir hulp-

of te herstel nie. Skoene moet asseblief nie deurgeloopt wees nie, maar van halfsole voorsien wees aangesien daar geen kans op herstel in Duitsland is nie. 'n Dringende beroep word nogmaals op alle lede van die Ossewabrandwag gedoen om

dadelik klerasie te stuur sodat dit met die eerste beskikbare skepe versend kan word. Alles moet na mev. B. Steytler, Albertweg 20, Tamboerskloof, Kaapstad, geadresseer word.

Die komitee het reëlings getref om ook in die Kersweek voort te gaan met die verpakking van die klerasie.

Die Boerejeng het die afgelope week 'n groot laertrekking op Franschhoek gehou. In die boonste deel van die foto staan die groep kinders met hul offisiere. Onder genle hulle 'n bietjie rus onder die skaduryke bome. (Sien berig op bladsy 2).



verlening meegedeel het.

Genle. Du Toit verklaar dat die komitee ook in verbinding gekom het met die komitee in Engeland wat verantwoordelikheid aanvaar het vir die deursending van die goedere na die Vasteland. Met die oog daarop word 'n dringende beroep gedoen op almal wat wil bydra om dit so gou moontlik te doen sodat hulp nog tydens die Europese winter verleen kan word. Daar kan natuurlik gemeld word vir watter land die goed bestem is — Duitsland, België of Frankryk.

Dit geld nie net kinderklere nie, maar ook klere vir mans en vroue. Die goed moet egter skoon en in goeie toestand wees, aangesien die komitee nie die geriewe het om dit te was

## Rusland Gaan Sy Sin Kry In Iran

Soos sake tans staan lyk dit asof Rusland sy sin gaan kry in Iran ten koste van Iraniese soewereiniteit en Brits-Amerikaanse prestige.

Die Iraniese regering vrees dat die konferensie van buitelandse ministers wat in Moskou gehou word „nog 'n München" kan word as die knie voor Rusland gebuig word en 'n kompromis oor Iran se soewereiniteit getref word.

In die Iraniese parlement heers 'n pessimistiese stemming. 'n Lid het verklaar dat die provinsie Azerbaidjan (Noord-Iran) sonder twyfel vir Iran verlore is. Die goewerneur van die provinsie word nie langer as sodanig deur die „rebelle" erken nie, maar as Iraniese ambassadeur in die Republiek van Azerbaidjan.

Dit is aangekondig dat die

Iraniese eerste minister, Hakimi en die buitelandse minister Janin na Moskou sal gaan om met die Russiese regering oor die posisie in Noord-Iran te onderhandel.

Die Britse buitelandse minister, Bevin, het verklaar dat sy regering met die Russiese regering oor die kwessie van Noord-Iran in verbinding is. In die tussentyd bly Britse sowel as Russiese troepe in Iran.

Die jongste stap van die Iraniese regering was om die V.S.A., Brittanje en Rusland te versoek om hulle troepe uit die land te verwyder.

Die Ossewabrandwag weier om in sy mede-Afrikaner 'n vyand te sien.

## „BRITTANJE SE GROOTSTE EKONOMIESE NEDERLAAG"

Hugh Dalton, Britse minister van finansies, het in die Britse Laerhuis voorgestel dat die leningsooreenkoms met die V.S.A. aanvaar word. Hoewel die ooreenkoms ver tekortsiet aan die verwagtings wat Brittanje gekoester het, het ons geen ander alternatief as om dit maar te aanvaar nie, het Dalton gesê. Die wanhoopstemming van die debat het toegeneem met die opeenstapeling van lede se jermiades oor hul bittere teleurstelling met die leningsbepalings, wat noodgedwonge gesluk moet word.

Dalton se voorstel is met 'n groot meerderheid aange-  
neem.

„Hierdie groot vrag skuld wat ons uit die oorlog saanbring is 'n vreemde beloning vir alles wat ons in hierdie land vir die gemeenskaplike saak gely het," verklaar Dalton. Voorts sê hy: „Boonop is daar geen nuwe reële bate, geen nuwe rykdom wat ons teenoor hierdie uitgawes kan verreken nie — as net behalwe die kale feit van ons oorwinning".

Die verwerping van die ooreenkoms, het Dalton beduie, sal beteken die beëindiging van alle samewerking tussen Brittanje en die Verenigde State „in hierdie uiters gevaarlike nuwe wêreld waarin ons beweeg".

### GROOTSTE NEDERLAAG

Sprekers van die Konservatiewe Party het gesê dat hulle nie vir „die strawwe ooreenkoms" kan stem nie; maar ook nie daarteen nie, want hulle het geen alternatiewe voorstel nie. 'n Lid het gesê dat hierdie ooreenkoms Brittanje se grootste ekonomiese nederlaag is.

'n Arbeidslid het verklaar dat Brittanje nou op die voorraand staan van 'n ekonomiese vryheidsoorlog teen die opperheerskappy van Amerikaanse kapitalisme in die na-oorlogse wêreld.

Die leier van die Liberale Party het verklaar dat hy verkies om die ooreenkoms te steun eerder as om 'n ekonomiese oorlog met die V.S.A. aan te knoop.

### MEEDOENLOSE TRANS- AKSIE

Die gesaghebbende mondstuk van die Britse finansiële wêreld

— The Economist — skryf o.a. na aanleiding van hierdie Amerikaanse lening aan Brittanje: „Dit sal moeilik gaan om 'n Engelsman te vind wat nie onder die indruk verkeer dat misbruik gemaak is van sy land se eerbare verleentheid om 'n meedoënlose transaksie te sluit nie.

„En Brittanje se huidige verleentheid oor dollars is nie iets om oor skaam te wees nie.

„Ons huidige verleentheid is direk veroorsaak deurdat ons die eerste begin veg het, die langste geveg het, en die hardste geveg het.

### DAREM NIE REG NIE

„Moreel gesproke is ons die skuld-eisers. En tog sal ons vir die res van die Twintigste Eeu jaarliks 140,000,000 dollar (£35,000,000) moet betaal. Dit mag onvermydelik wees maar dis nie reg nie."

Ek is my broer se hoeder: Dit het die Ossewabrandwag gedurende bittere jare van stryd en offer uitgeleef.

**BINNE 10 DAE**  
'N GESONDER MAN . . .

**BINNE 90 DAE**  
'N STERK MAN . . .  
of so nie betaal ek u lesgeld terug.

**JOHAN HEFER**  
se duisende suksesse is  
U WAARBORG

Seuns en jong mans verlang  
**MOOI SPIERE** en  
**REUSE KRAG . . .**  
Bejaarde mans verlang  
**BLYWENDE GESONDHEID**  
**JOHAN HEFER** voorsien in  
altwee.

Ontvang u kursusse deur die pos en oefen in u slaapkamer, sonder dat engeen daarvan weet.

Billike Pryse. — Maklike Terme.  
Skryf vandag of vul die Koepon in en pos dit aan:

**JOHAN HEFER,**  
Hefer-Instituut,  
Bus 3494, Kaapstad.

Stuur my asb. gratis besonderhede omtrent u kursusse.

Naam .....

Adres .....

Gedertom .....



Johan Hefer



## MEDITASIE

## Die Rooidag Wakker Maak

(Deur 'n Dominee.)

Ps. 108 vers 3: „Waak op, harp en siter! Ek wil die rooidag wakker maak.”

Die Oujaar is aan die verbygaan, met al sy lief en leed. In hierdie laaste weke van die wegsterwende jaar oordink ons alles wat daar plaasgevind het in ons persoonlike en huislike lewe, wat daar gebeur het in ons vaderland, ja, in die hele groot wêreld waarin ons woon en wat so vol is van beroering.

Elke dag het ons gelewe onder die bestel van die Here onse God. Hy het geregeer in die groot wêreld na sy ewige raad en deur sy voorsienige Hand. Die lot van volkere en nasies is nie bepaal deur 'n yster-noodlot of 'n grillige toeval nie.

Hoe donker ook die dreigende, laaghangende onweerswolke bokant ons was, hoe felbewoë die bruising van die golwe op die wêreldsee, ons oog was op God gerig en ons roep mekaar toe: die Here regeer! Maar ons het ook gebid by die troon van die Almagtige dat die donkerheid mag weggevaag word, dat die lig weer mag deurbreek, dat hy mag stilmaak die bruising van die see, die rumoer van die volke. Die stryd het van gedaante verwissel met die sogenaamde vredesaankondiging, maar na sy wese woed dit steeds voort. Prof. dr. J. D. du Toit het die toestand waarin Europa hom bevind, raak geteken: Europa het twee poorte, aan die Oostekant en in die Weste — by die een poort lê die Russiese beer, en by die ander die atoombom.

Maar ook vir ons volk is dit nog nag, en die nag is donker. Totius spreek êrens van die trekking van die tere bande van geskiedenis en tradisie, maar ook van die vaderland, en dan sê hy: „Hoe droef word dit in ons gemoed as hierdie woord sy klank laat hoor.”

## VADERLAND

Die Israeliet het sy Jerusalem gehad (en het dit nog), waarvan hy sê: As ek jou vergeet . . . (Ps. 137). Die Arabier, hoe vër ook verdood in die matelose woestyne van Noord-Afrika, spreid sy komebers voor hom uit na die kant van Mekka, en hy buig hom hoopvol neer. Die Engelsman het sy Home, die Duitser sy Heimat, die Fransman la Patrie — klanke wat onuitspreklike sielsemosies wek. En die Afrikaner? Hy trek, is dit nie met sy voete nie, dan met sy gedagtes. In sy droom sien hy wel heuwels wat wink en laagtes wat lag, 'n paradys van bossies en grasveld, en daarbo is die sonnehemel 'n droom, maar daar is geen mense nie

en dit is ook nie naby hom nie, en . . . hy trek.” Op die trekpad nog steeds bedreigende, selfs gevaarliker en satanieslistiger as by Bloedrivier.

Tog skyn, netsoos vir ons voorgeslag, op die pad van ons volksgeskiedenis deur al die donkerheid heen die lig en die liefde van Christus. Daar is vir ons soms 'n onbeskryflike teenstelling tussen die heerlijkheid van God se belofte en ons ontredderde en verskeurde wêreld, maar so dikwels as wat ons spreek of dink oor die kersboodskap, word ons elke keer opnuut as 't ware bokant onself en bo ons daaglikse lewe uitgehef, word ons uit ons menslike skemer oorgeplaas in die Lig wat ons uit Betlehem toestraal.

## DIE ONBEKENDE

Op die Nuwejaarsmôre sal ons 'n nuwe jaar binnetree as God ons spaar. Die ou jaar het sy geheime vir ons onthul, maar op die eerste môre van die nuwe jaar staan ons voor 'n onbekende toekoms. Daardie dag laat ons weet dat ons voortlewe, dat die Einde nog nie gekom het nie, dat hierdie wêreld God se raad nog nie uitgedien het nie, dat daar nog veel moet gebeur en dat daar nog veel moet gedoen word. Ons mag nie stilstaan nie, ons moet voortgaan om ons roeping te vervul in die persoonlike lewe waarmee ons 'n eie plek in die groot geheel inneem, in die lewe van gesin en familie, in die maatskaplike en volkslewe, en nie die minste nie, in die saamlewe in die gemeenskap van die heiliges in die arbeid vir die Koninkryk van God.


As die nag verby is en die nuwe dag gebore word, ontwaak die mens en dan begin vir hom die nuwe dag. Hy wat die Here liefhet, sal die dag, ook die Nuwejaarsmôre, met God begin, aan sy Vadersorg hom toevertrou. Dawid sing in sy psalm: Ek wil die rooidag wakker maak. Hy wil dus so ontwaak dat hy bereid en gereed is tot vervulling van sy dagtaak en daartoe as 't ware die daeraad wek. Dawid roep na die harp en siter: Waak op om God se lor te besing. En so sê hy van homself: Ek sal by die daeraad opstaan om die Here my God te loof onder die volkere, om Hom te psalmsing onder die nasies; wanneer die eerste skietstrale van die opgaande son oor die berge kom, wil hy reeds met volle toewyding sy dagtaak aandurf, en die deurslaggewende beginsel vir hom is dat God se eer verbrei moet word op alle lewens-terreine. Sy lewe moet deur-

dawer word met een deurlopende loflied tot grootmaking van sy God, nie alleen met die mond nie, maar veral ook met daadkragtige diensbetoning:—

Hoe rus, o God, my hart in my Nou 'k U 'n môrelied kan wy. Ontwaak met my, my harp, ontwaak!

Ek wil die rooidag wakker maak.

U trou en goedertierenheid, Tot bo die hemel uitgebreid, Sal ek verhoog by al wat leef Met sang wat van ontroering beef.



## DUITSE GEES FLIKKER OP

*Engelse berigte uit Duitsland lui dat die Duitse gees begin opflikker. Nooit heeltemal uitgedoof, selfs deur die storm van verowering nie, begin dit tans die eerste betekenisvolle tekens van herlewing toon.*

Britte sien hierdie tekens o.a. in die swastika's wat snags geveer word op die versilwerde Russiese tent, wat in Potsdam as oorwinningssimbool geplaas is; in die moord op 'n Britse soldaat deur 'n half-dosyn Duitsers; en in die swart hande wat deur lede van die Hitlerjeug op die mure van huise in Berlyn geveer word.

'n Versigtig opgestelde Amerikaanse verslag verklaar dat die volkome onderdanigheid wat die Duitse gees aan die end van die oorlog gekenmerk het nou vervang word „deur toestande wat normaalweg verwag word in 'n besette land”.

Die Britte verklaar dat die Duitsers in die Amerikaanse besettingsgebied vrypostiger is as elders. Dit wyt hulle aan die snelle Amerikaanse demobilisasie wat die Duitsers astrap maak asook aan hulle gemoedelike vriendelike en informele omgang met die Duitsers.

Voorts verklaar die Britte dat die Duitse gees die flouste opflikker in die Russiese besettingsgebied. Maar die opgehoopde vrees en die onderdrukte wraaklus kan mak-

lik êrens uitbars en dan sal die Duitse gees gevaarlik ontvlam.

## V.S.A. GEE DUITERS SELFBESTUUR

Die Amerikaanse nuusdiens berig dat die hele burgerlike administrasie van die Amerikaanse besettingsdeel van Duitsland, met inbegrip van die noogste administratiewe poste in die provinsies, op 1 Januarie deur die Amerikaanse militêre

## Vryheidsdag

O.B.-kommando's word daaraan herinner dat Vryheidsdag aanstaande jaar op 27 Februarie soos gewoonlik gevier sal word. Daar kan intussen aandag geskenk word aan die programme vir die dag. By 'n latere geleentheid sal meer besonderhede in Die O.B. verstrekk word.

oerheid aan die Duitsers oorgedra sal word.

Slegs die breë trekke van bevelle sal aan die Duitse provinsiale regerings meegedeel word. Hulle sal dit met hul eie administratiewe masjinerie moet uitvoer. Die Amerikaanse militêre oerheid sal net die opperbeheer behou.

Die Amerikaners sal net die beleid bepaal; die Duitsers sal self vir alle uitvoering verantwoordelik wees. Dit sal meebring dat die Amerikaanse besettingspersoneel heelwat verminder gaan word.

## UIT WANHOOP AAN PARTYSTELSEL?

Die parlementêre onder-leier van die Arbeidersparty, mnr. M. J. van den Berg, het 'n beroep gedoen op die leiers van die vier politieke partye in die land om die strydbyl neer te lê en 'n nuwe nasionale koalisie-regering te vorm.

Hy het reeds briewe in dier voege aan genl. J. C. Smuts, mnr. W. B. Madeley, kol. C. F. Stallard en dr. D. P. Malan gerig.

In sy briewe stel mnr. Van den Berg voor dat 'n gesamentlike poging aangewend moet word om Suid-Afrika se náoorlogse vraagstukke op te los. Die „vrede” moet tot die volgende algemene verkiesing in 1948 duur en elkeen van die vier partye sal na verhouding tot sy aantal setels in die Parlement in die kabinet verteenwoordig word.

Na aanleiding van hierdie voorstel van mnr. Van den

Berg verklaar 'n medewerker van die blad Forward:

„Vanwaar kom hierdie drang na 'n koalisie en 'n onmoontlike koalisie boonop? Die antwoord is dat mnr. Van den Berg begin wanhoop het aan die partystelsel, en tensypte van die feit dat hy 'n „vrede” voorstel wat net moet duur tot by die volgende algemene verkiesing is hy tog 'n voorstander van die een-party-stelsel as sodanig.

Die party-gees het 'n dodende uitwerking op ons hele gemeenskaplewe, verklaar mnr. Van den Berg. Dit sal waar wees ook na 1948.

Ons Gee Nog Steeds Leiding!  
S.A. GRAFSTEEN- EN  
MONUMENTWERKE  
(E.IENS.) BPK.  
Voortrekkerweg, MAITLAND.

## A.V.B.O.B

Lykbesorgers, Grafsteenmakers  
Begrafnisversekeraars

Bloemfontein — Pretoria  
130 Takke

Paarl  
Monumentale-Werke  
(E.IENS.) BPK.  
Posbus 220 — Bredastraat  
PAARL (K.P.)

SKRYWE DIREK OM ONS  
NUUTSTE KATALOGUS

Direkteure:  
L. A. B. Bohlman — M. Bohlman  
Gevestig 1898

'N GROOT BOEK  
OOR 'N GROOT LEIER  
DEUR

'N GROOT SKRYWER

Generaal  
J. B. M. Hertzog  
deur  
C. M.  
VAN DEN HEEVER  
Prys £1-4-6  
POSVRY

Dit is 'n Boek wat 'n  
Groot Veld Beslaan

GENL. HERTZOG  
as stryker vir die Republiek se saak.  
GENL. HERTZOG  
as kampvegter vir moedertaal-onderwys, die Afrikaner se taalregte en kulturele selfstandigheid.  
GENL. HERTZOG  
as kampioen van sy onsterflike gedagte: SUID-AFRIKA EERSTE!  
GENL. HERTZOG  
se stryd stap vir stap om aan Suid-Afrika volledige selfbeskikkingsreg te gee.  
GENL. HERTZOG  
as politieke stryker en onverskrokke handhawer.  
GENL. HERTZOG  
se segregasiebeleid ten opsigte van die naturel.  
GENL. HERTZOG  
as groot en onvergeetlike mens.  
GENL. HERTZOG  
in sy triomf en vernedering.

BESTEL VAN:

AFRIKAANSE PERS-  
BOEKHANDEL  
Lovedaystraat 75  
Posbus 815 — Telefoon: 33-8669  
JOHANNESBURG

## VERJAARDAG-KETTING

Aangesien daar op 26 Des. en 2 Januarie geen uitgawes van Die O.B. is nie, plaas ons hiermee die verjaardae tot 9 Jan.

20 DESEMBER: Hermine Steyn, Legkraal; Jacoba van Dyk, Koster; George Grundling, Kirkwood; Jogeem Baard, Moorreesburg; Berta le Roux, Ceres; Danie Visser, Marchand.

21 DESEMBER: H. M. Joubert, Magalieskroal; Hentie Joubert, Magalieskroal; Mariëna Marais, Bothaville.

22 DESEMBER: Johanna de Jager, Rustenburg; Emma Venter, Derby; A. E. Kruger, Magalieskroal; Bernardus Steenkamp, Potgietersrus; Kitty Henn, Wolseley; Jacobus de Goede, Observatory; Magdalena Lourens, Vryburg; Wilhelmina van Niekerk, Clooclan.

Die res van die ketting moet ongelukkig oorstaan.

## Rusland

## Tree In

Rusland het amptelik protes aangeteken by die Turkse regering teen die vernietiging van die masjinerie van kommunistiesgesinde koerante in die Turkse hoofstad op 4 Desember deur 'n groot groep mense onder leiding van studente.

Ná die aanval het die Russiese blad Prawda verklaar dat die Turkse regering verantwoordelik is vir die opstootjie en het hy die voorval beskryf as 'n stuk huigelary.

DIE O.B., WOENSDAG, 19 DESEMBER 1945.

# DIE JAAR 1945

Vir Die O.B. is hierdie uitgawe ook die afsluiting van die jaar waarin soveel verbysterende gebeurtenisse plaasgevind het. Ons het die gordyn sien toesak oor 'n genadelose oorlog wat dwaas en tevergeefs was. Sommige volke het gemeen hulle het gewen, andere het gemeen hulle is verlos, maar reeds word daar in die Britse Laerhuis in verband met Engeland se geldelike toestand gekla dat Brittanje behandel word soos 'n „verslaande volk”; en in Europa het die „verloste” net geval in die hande van groter tirannie as wat selfs die propaganda teen hul voormalige toestand in staat was om te skilder.

Die afgelope jaar het verwagtings by miljoene misleide mense laat opflikker oor die intrede van 'n nuwe wêreld „vry van vrees en vry van gebrek”. Maar die jaar was nog ver van sy einde toe die voorspellings begin inkom het van miljoene en miljoene wat werkloos gaan wees in die lande van oorwinning. In die lande van nederlaag word dit as vanselfsprekend beskou en selfs met leedvermaak verkondig dat meer mense weens honger gaan sterf as wat die oorlog geëis het. In ons eie land moet diegene wat vir die „drie vryhede” van die nuwe wêreld geveg het, reeds nou al hul eie reg gebruik om 'n dak bo die kop te kry en voedsel is so skaars dat iemand met £500 boete gestraf kan word as hy vir 'n week vooruit voorsiening maak in sy spens.

## DIE BETER WERELD

Die afgelope jaar sou ook die ewige vrede tussen die volke van die wêreld inlui. Die „misdadigers” wat verantwoordelik sou wees vir die oorloë, word nog onderwerp aan 'n oorwinningsvertoon te Nürnberg voordat hulle die eeu van oorloë met hul dood sal verseël; dog reeds vind die diplomatieke botsings oor die verdeling van die wêreld plaas tussen wat almal beskou word as nuwe vyande. En 'n Britse staatsman moes verlede week praat van „die gevaarvolle nuwe wêreld waarin ons bevind” — die resultaat van ses jaar se oorlogspanning vir 'n „beter wêreld”. Die jaar 1945 was lank genoeg om die waarheid te bevestig wat Christus tweeduisend jaar gelede geleer het dat dit nie die een of ander volk is wat vir oorlog verantwoordelik is nie, maar die hebsug van die menslike hart. 1945 was egter nie lank genoeg om ons ook die waarheid te laat besef dat liefde en geregtigheid die sleutel tot duursame vrede is nie. By die uitgang van die jaar word die haat nog gekoester en die leed en dood van miljoene word slegs in sover getemper as wat dit 'n bedreiging vir die eie veiligheid kan wees.

In die afgelope jaar is ook die grondslag gelê van die nuwe volkebond wat vrede sou bewaar, maar slegs drie maande daarna is deur 'n verantwoordelike staatsman verklaar dat die grondslag reeds verouderd geraak het weens die uitvinding van die atoombom, wat wel gedien het om die oorlog finaal te beëindig, maar daarmee ook die saad van 'n nuwe oorlog geplant het in 'n bedding van agterdog.

So ploert die staatsmanne van die wêreld voort in hul bevangenheid. Wat die een oomblik as redmiddel aangegryp word, verander die volgende oomblik al weer in 'n besmetting. In sulke omstandighede bly daar vir ons slegs die troos oor dat agter dit alles daar die besturende Hand van God is — die mens wik, maar Hy beskik.

## Boerejeug Bedrywig Op Brooklyn

Die Boerejeug-afdeling van die Christiaan De Wet-kommando, Brooklyn, berig dat hulle eerste konsert 'n groot sukses was. Die opkoms was baie goed en die program was besonder geslaagd. Die verrigtings is opgeluister met musiek deur die O.B.-Blaasorkes wat baie daartoe bygedra het om die konsert 'n sukses te maak. Die mooi bedrag van £10-6-0 is ingesamel.

Die Boerejeug is vol ywer en wil net gou weer begin met hul volgende poging.

Ons dank almal wat ons gehelp het, asook komde. Van Rooyen wat gehelp het om die konsert 'n sukses te maak.

## Lugtig Vir Moskou- Konferensie

Die Buitelandse Ministers van die Drie Grotes het Saterdag in Moskou bymekaar gekom. Die Londense byeenkoms van die buitelandse ministers was 'n volslae mislukking. Wat die Moskouse byeenkoms gaan haer weet nugter.

Verhoudings tussen die Grotes, atoomkrag en talle netelige sakies, waaronder veral die Iran-situasie, sal glo bespreek word.

Londen en Parys is lugtig vir die terugkeer na die diplomatie van die Drie Grotes. Engeland is die swakste van die Drie Grotes en Frankryk is glad nie 'n „Grote” nie.

Die Franse het by voorbaat al tekenne gegee dat hulle hulle nie sal laat bind deur die besluite wat in Moskou geneem mag word nie.

# Die Implikasies van die Brits-Amerikaanse Lenings-Ooreenkoms

(Deur ons Ekonomiese Medewerker)

Die Britse Laerhuis het reeds die ooreenkoms bekragtig en terselfdertyd ook die Bretton Woods-voorstelle insake deelname aan 'n Internasionale Monetêre Fonds en 'n Internasionale Bank aanvaar.

## BRUIKLEEN-VRYSKELDING

Hoewel die Britte beweer dat die ooreenkoms 'n baie snaakse beloning is vir hulle lyding vir die gemeenskaplike saak, moet daarop gewys word dat die bepaling van die bruikleenskuld op slegs £162,500,000 Brittanje vryskel van etlike miljoene fe. Feit is dat die netto bruikleenhulp wat Brittanje van die V.S.A. ontvang het nie minder as ongeveer £3,600 miljoen was nie. Dit beteken dus dat Brittanje vrygeskel word van 'n skuld wat ongeveer so groot is as wat een jaar se oorlogsuitgawes was.

## MAAR SKRALE DIS

Die douarkrediet van £937,500,000 is in verhouding met Brittanje se verpligtinge maar baie klein. Volgens die Britse Eerste Minister beloop hulle jaarlikse uitgawes aan oorsese lande £2,000 miljoen. Hiervoor kan hulle net gedeeltelik betaal, d.m.v. uitvoere ter waarde van £350 miljoen en d.m.v. inkomste van £450 miljoen uit beleggings en dienste. Dit laat 'n jaarlikse tekort van £1,200,000,000. Vergelyk hiermee die bogenoemde krediet en ons sien dat die Britse probleme nie daardeur sommer uit die weg geruim is nie. As hy die dollars net gebruik om by die V.S.A. te koop, sal dit ook nie langer as 2 jaar hou nie, want in 1944 het hy van daardie land nie minder as £533 miljoen se goedere ingevoer nie en slegs £18 miljoen aan produkte soontoe uitgevoer. As alternatief kan Brittanje uiterste pogings aanwend om soveel moontlik na die V.S.A. uit te voer maar dit sal die probleem nog nie kan oplos nie.

## STERLINGBALANSE

Die vernaamste voorwaarde waaronder die lening toegestaan is, nl. die ontvriessing of vrystelling van geblokkeerde sterlingbalanse, sal die Britse betalingsbalans in 'n nog ongunstiger posisie plaas en ook baie swaar rus op die hele ekonomiese lewe. Die verdere byvoeging dat die vrystelling in die vorm van enige geldeenheid moet plaasvind, beteken dat Brittanje byvoorbeeld nie kan bepaal dat die skuldeisers alleen betaling, d.m.v. invoere uit Brittanje kan ontvang nie. Hulle moet m.a.w. daardie fondse kan gebruik om in enige ander land: V.S.A., Swede, Frankryk, Holland, ens. te gaan koop. Brittanje mag ook nie die Amerikaanse krediete gebruik om verpligtinge onder hierdie hoof na te kom nie. Hy sal dus sy produksie-apparaat vol stoom moet laat werk om nie alleen na dele van die Ryk uit te voer nie maar ook na Amerikaanse en Europese lande ingeval die skuldeisers vanuit hierdie lande wil invoer en van hulle geldeenheid wil bekom.

## DIE VOORWAARDES

Die skuldeisers is grotendeels Rykslande en tot 'n groot mate is dit vir Engeland 'n gelukkige toestand. Die totale geblokkeerde sterlingbalanse is nagenoeg £3,500 miljoen. Skynbaar hoef dit nie alles op een keer afbetaal te word nie — Brit-

tanje sou dit onmoontlik vind — maar kan behandel word na aanleiding van die drie kategorieë waarin die fondse geplaas word: (a) Balanse onmiddellik vrygestel te word; (b) Balanse in paaiemente vanaf 1951 vrygestel te word; (c) Balanse wat behandel sal word as 'n bydrae tot die vereffening van ná-oorlogse skuld.

## NA-OORLOGSE SKULD

Die laaste kategorie is baie vaag omskrywe en klink na 'n bedekte skimp dat sekere dele van die skuld deur skuldeisers vrygestel sal of behoort te word. Op so'n moontlikheid het die Londense „Economist” ook lank gelede al gesinspeel. As nou b.v. £1,000 miljoen aan Brittanje geskenk word, en £1,500 miljoen in paaiemente afbetaal kan word oor die bestek van 'n aantal jare, sal daar nog £1,000 miljoen binne 'n jaar of twee gelikwider moet word. Dit is voorwaar 'n ontsaglike taak wat hom in die gesig staar.

## 65 Jaar Al Getroud



Op 30 Nov. 1945 het oom Piet en tante Bessie Meyer van Bakanango, Natal, hul vyf-entestigste huweliksdag herdenk. Tante Bessie was 'n mooi Van Rooyen. Oom Piet, 'n man van 88 jaar en tante Bessie so'n paar jaar jonger, is nog in die fleur van hul lewe — fris en nog taamlik gesond. Oom Piet, 'n Bittereinder van die Tweede Vryheidsoorlog, was 'n troue ondersteuner van wyle genl. Hertzog en is vandag 'n voorvechter van die O.B.

Ons wens hulle toe nog 'n lange en aangename saamlewing in hul hoë ouderdom. — (Bewonderaar.)

## STERLINGBLOK VERDWYN

Die betekenis van die tweede voorwaarde is eenvoudig dat die sterlingblok vernietig moet word. Onder die sterlingblok is dit moontlik om te diskrimineer teen lande buitekant die blok. Met die sentrale beheer in Londen kon alle aankope deur sterlinglande van andere buitekant die blok voorkom word of tot 'n minimum beperk word. Hierdie handelwyse staan die V.S.A. nie aan nie omdat die lede van die sterlingblok, behalwe miskien Brittanje self, baie minder van hom koop as wat hulle andersins sou doen. Na ratifikasie van die ooreenkoms sal Londen nie meer mag bepaal dat die sterlingontvangste van enige land in die sterlinggebied — Suid-Afrika, Australië, Nu-Seeland, Indië, Britse Kolonies ens. — geheel of grotendeels gebruik moet word vir

aankope uit die sterlinggebied nie.

Die sterk finansiële bande wat gedurende die oorlog in die Ryk opgebou is, sal hierdeur 'n knou kry. Dit beteken nie dat alle ekonomiese bande verbreek word nie, want die sterlinggebied — afsonderlik van die blok — kan nog soos voor die oorlog voortbestaan, waarvolgens verskillende lande hulle geldeenheid tot 'n mindere of meerdere mate aan die Britse gekoppel het.

## RYKSVOORKEUR

Volgens die ooreenkoms is daar nie 'n spesifieke bepaling dat met alle handelsbeperkings en daarmee Ryksvoorkeur weggedoen moet word nie, maar in 'n gesamentlike verklaring wat die ooreenkoms vergesel het, is gesê dat onderhandelings-aangeknoop sal word met die oog op veranderinge in tariefmure, voorkeure, kwantitatiewe beperkings, staatshandel ens. Indien Brittanje hom aan sy beloftes tot vryer handel hou, sal Ryksvoorkeur besmoontlik ook 'n radikale verandering ondergaan of geheel-en-al afgeskaf word.

## SUID-AFRIKA SE POSISIE

Die gevolge daarvan vir Suid-Afrika mag van verskillende aard wees. Die Unie se toegang tot 'n afsetgebied wat tussen 1935 en 1938 gemiddeld £12 miljoen se goedere per jaar geneem het, sal daardeur bemoeilik word. Dis egter te betwyfel of die uitvoer na die res van die Britse Gemenebes wat gemiddeld £4 miljoen se goedere van ons gekoop het, baie nadelig beïnvloed sal word. Terselfdertyd sal Brittanje se uitvoere na die Unie natuurlik ook nie meer dieselfde voorkeur as vroeër geniet nie. Maar dit sal minder stremmend werk op die Britse uitvoere as die Suid-Afrikaanse uitvoere, vanweë die sterk sentimentele verband van 'n groot deel van die Suid-Afrikaanse bevolking met Engeland.

En hierin lê die gevaar vir Suid-Afrika.

As gevolg van die houding van Britsgesinde stadsrade, munisipaliteite, afdelingsrade en besighede, sal ons besmoontlik net soveel as tevore uit Engeland invoer maar baie minder na haar uitvoer. Ons invoerpotensiaal wat dan oorbly sal nie kan gebruik word om sulke goeie voorwaardes vir ons uitvoere na ander lande te beding as wat ons andersins miskien sou kon doen nie.

## S.A. MOET ANDER MARKTE SOEK

Terselfdertyd wil dit ook voorkom asof die swak ekonomiese toestand van Brittanje hom 'n swak afsetgebied maak, sodat, of die Ryksvoorkeurstel nou afgeskaf word al dan nie, ons in alle geval ander markte moet gaan soek.

## ONTBINDING VAN DIE RYK

Dit is egter seker dat afskaffing van Ryksvoorkeur die bande wat die Ryk bind, sal verswak. Inwerkingtreding van die Internasionale Monetêre Fonds en Bank wat ook ten doel het die vryer vloei van goedere en dienste internasionaal en veelsydigheid in die handel, sal die eenheid van die Ryk nog 'n verdere knou toedien. En as die sentimentele bande op die lang duur nie deur iets meer konkreets gevoed word nie, sal verbroekeling van die Ryk waarskynlik ook nie uitbly nie.





# DIE Boere JEUG


AMPTELIKE ORGAAN

BYVOEGSEL TOT DIE O.B. VAN 19 DESEMBER 1945.

## Jopie Fourie So Het Hy Gesterf!

„Hulle moet my tog nie in die gesig skiet nie. Ek het 'n groot Afrikanerhart, daar is genoeg plek om my te sliet.”

Die Boerejeug mag môre nie laat verbygaan sonder om terug te dink aan die onvergeetlike treurspel wat homself presies 31 jaar gelede op 20 Desember, 5 vm., in die tronk op Pretoria afgespeel het nie. Daarom het ons uit die gewens verstrekk deur Jacoba van Dyk en Lukas M. Janse van Vuuren in hul skeurkalenderbydraes asook uit die boek van G. Jordaan: „So het hulle gesterf!” die onderstaande feite i.v.m. Jopie Fourie se strewe en sterwe saamgestel.



Joseph Johannes Fourie is in die Transvaal onder die Republikeinse vlag gebore en as sodanig het hy sy land teen die aanvallers verdedig totdat hy gewond gevange geneem is. In die jare wat gevolg het, het die onreg wat die Afrikaner aan die hand van die oorwinnaar moes ly, 'n onvergeetlike indruk op hom gemaak.

In 1914 het hy dan ook nie gearsel om die stryd teen die vyand te hervat nie en in hierdie verband vertel Jacoba van Dyk 'n interessante voorval:

### „OP MET DIE VIERKLEUR”

„My Pappie vertel van 'n geveg by die Sondagrivier waar hy saam met die Kommandant geveg het. Ongelukkig is die grootste verraad gepleeg. Generaals Jack Pienaar en Piet Grobler moes stelling inneem met die burgers en Jopie sou die vyand inlei. Van veraf kon hulle hom hoor sing: „Op met die Vierkleur” en hulle hoor ook al die eerste skote val. Maar wat gebeur toe! Die bevel word gegee dat die burgers moet vlug en die uappere Jopie word alleen agtergelaat. Twee burgers het op hul poste gebly en dit het nie lank geduur nie of hulle sien komdt. Fourie se blou perd aangehardloop kom sonder ruitser. Hulle het die perd voorgekeer en toe kom Jopie aangehardloop met die vyand kort op sy hakke. Toe hy van die verraad verneem, was hy woedend en het nog dieselfde dag

met sy 50 verdedigingseuns na 'n ander plek verdwyn. Die voorval het omtrent twee weke voor hy gevang is, plaasgevind.”

Tydens sy verhoor is aan hom die gelcentheid gegee om iets te sê. In 'n roerende rede het hy sy motiewe helder uiteengesit en gee ons hier net enkele aanhalings:

### ROERENDE REDE

„Toe daar 'n tyd gelede sprake van 'n oorlog in Duits-Suidwes was, was ek een van die persone wat . . . daar tog op teen was, want ek kon nie sien waarom ons regering 'n oorlog sou verklaar teen Duitsland, wat ons nooit enige kwaad gedoen het nie. Ek kon nie sien waarom ons jong Afrikaners sou veg om die eer van Engeland hoog te hou nie. As ons dink aan die Slagtersnekmoord, aan Bloedrivier in Natal en die moord op ons mense op Piet Retief deur kaffers onder aanvoering van Engelse offisiere, as ek dink aan die 30,000 vroue en kinders wat vermoor is, sien ek nie waarom ek Engeland se eer sou ophou nie en ek daag enige man uit om met die vinger op my te wys en te sê: Jy het 'n fout gemaak!

„10 Oktober 11. het ek na 'n konsert in die Opera-gebou gegaan, wat gegee is ter gedagtenis aan ons geagte president Kruger op sy verjaardag. In plaas van om musiek en toesprake oor die lewe van president Kruger te hoor, het ek daar vuil skelwoorde gehoor, en terwyl 'n openingsgebed deur 'n dominee gedoen is, is „Rule Britannia” met stokke in ons kele afgedruk en is die dames op die platform met vrot eiers bestook. As dit Britse gelykheid is, dan wil ek daar nie onder lewe nie, dan is dit 'n groter eer vir my om as prisoner hier te staan dan om 'n offisier in die Engelse leër te wees.”

### VRA GEEN GENADE

Adv. Van Hees wat komdt. Fourie verdedig het, het die hof

daarop gewys dat komdt. Fourie nie om genade gevra het nie. In elke land sal daar mense soos hy wees wat nasionale vaderlandsliefde bo alle voorregte van die oorwinnaar sal stel.

Onderwyl die hof die doodsvonnis oorweeg het, is verskeie petisies waarin gevra word dat die vonnis nie voltrek sal word nie, onderteken en is op elke moontlike manier probeer om dit voor genl. J. C. Smuts te lê. Elke poging het misluk.

Eindelik is hy oor die telefoon gekry en het hy toegestem dat die deputasie hom Sondagnôre 10 uur kon kom spreek. Sondagnôre was dit te laat. Die vonnis is reeds 5-uur daardie oggend voltrek. Sou ons edelagbare Generaal dan nie van die tyd van die teruggestelling bewus gewees het toe hy die ontmoetingsuur bepaal het nie?

Sy laaste nag het Jopie Fourie met skrywe en gebed deurgebring sodat hy die volgende môre kalm en bedaard die ewigheid kon ingaan. Met vaste stem het hy gesing:

„Als wij de doodsvallei betreden  
Laat ons elk aardse vriend alleen.”

'n Sarsie skote het die laaste woorde uitgedoof en Jopie Fourie was daar nie meer nie.

Mag die Boerejeug nooit sy laaste boodskap aan ons, die nageslag, vergeet nie:—

„Getroue Afrikaner-vriende en -vriendinne, by die tyd dat julle hierdie skrywe ontvang, is Jopie by sy hemelse Vader. . . Ek bedank u almal baie vir die boom wat geplant is en met my bloed benat word, dit sal tot 'n groot boom groei en heerlike vrugte dra. Wees getrou aan jul volk, aan jul tradisies, aan jul godsdien en aan jul God. Die Here sal julle lei en julle die weg aanwys waarheen julle moet gaan. Skrywe hierdie woorde op my grafsteen:  
**VIR GOD EN VADERLAND.”**

## Dingaansdag- Herdenking

Boere kom saam, kom saam,  
Kom vier die val van

Dingaansdag.  
Laat ons herdenk die dag

van Geloofte,  
Die end van grote togte.  
16 Desember dink ons

tog verder,  
Dis die beloftedag  
aan ons Herder.

Boerejeug-  
veldkornetskap JE5c1.



Die Rustenburgse Boere seuns en -dogters wens hul kamerade oor geheel Suid-Afrika 'n gesoende Kersdag en 'n voorspoedige Nuwe Jaar toe.

## Amptelike Kennisgewings

(DEUR DIE JEUGLEIER.)

Die volgende Boerejeug-opleidingslaer word onder die aandag van offisiere en brandwagte gebring:

**GEBIEDE C, D, E, F.** — Vanaf 3 tot 14 Januarie 1946 op die feesterrein te Amajuba. Hierdie laertrek word in twee gedeeltes: Offisiere vanaf 3 tot 6 Januarie en offisiere en brandwagte vanaf 7 tot 14 Januarie 1946. (Boerejeugbevel 10/45).

Kinders wat saam met offisiere moet reis sal reeds op 3 Januarie 1946 in die laer toegelaat word.

By hierdie sametrekking sal spesiale opleiding in verband met Boerejeug-aktiwiteite aan laergangers gegee word. Nadere besonderhede kan van die plaaslike jeugoffisiere of Gebiedskantore verkry word.

(N.S.—In die uitgawe van „Die Boerejeug” van 5 Desember is die datum van hierdie laer per abuis as beginnende op 4 Januarie 1946 aangegee.)

## Ons Verhaal


### DIE KERSBOOM

(Deur R. HUGO)

(Vervolg van Die Boerejeug van 5 Desember)

By die ou was-aia het hulle 'n kleipot geleen wat toe vol grond ook daar weggesteek is. Toe Mammie en Pappie opstaan na hulle middagslapie, het die drie oudjies dood-onskuldig onder die wildeveeboom gesit en speel

sterretjies styf vas. Toe die boompie in die kleipot geplant is, begin hulle om die sterretjies en klokkies daaraan vas te maak. Dit moes natuurlik alles saggies gedoen word. Die boompie het al net pragtig begin lyk met al die blink sterretjies tussen die groen blaartjies en die gouegeel klossies. Maar het hulle nie met die klokkies ge-



O tyd! gou onder die tafel!

Ewe soet het die kinders die aand gaan slaap. Maar moenie glo dat hulle regtig geslaap het nie! Hulle het gewag totdat Mammie en Pappie lankal geslaap het en toe saggies en versigtig opgestaan. Met groot gesukkel het hulle weer die doringboompie onder die bed uitgehaal en eetkamer-toe gedra. „Ag,” steun Rita, „die kleipot is só swaar!” Boetie is nog heeltemal deur die slaap maar hy hou die doos met silwer

sukkel nie! As hulle die fyn blink goedjies aan die takkies vasbind, het dit so fyntjies gelui dat hulle asem opgehou het. „Die kersies moet nog vasgemaak word,” fluister Rita saggies.

„Ja,” antwoord Hansie opgewonde. Maar, o aarde, in sy haas om die dosie oop te maak, hak sy toon in die soom van sy slaapproek en woeps! val hy op die vloer. Het die kinders

(Vervolg op bls. 2, kol. 5)

## DUIWEBOERDERY

DIE TROTS VAN JOU JEUG!  
BESORG SAKGELD!

IS JOU DUIWEBOERDERY NIE  
'N SUKSES NIE?

WIL JY GRAAG 'N GROTER  
SUKSES VAN JOU DUIWE-  
BOERDERY MAAK?

Bestel dadelik B-K-K se Korrespondensie-  
Lesings oor DUIWEBOERDERY.

Ons 10 LESINGS oor DUIWEBOERDERY sluit in:  
Duiwerasse, Toerusting, Uitbroei, Grootmaak  
van Duiwe, Seleksie, Duiwesiektes, Voeding,  
Bemarking, Tentoonstel, asook Illustrasies.

Foote vir volledige stel lesings:

£3 Kontant of £5 op terme.

As jy eenkeer lid is van B-K-K se Duiweboerdery-Departement ontvang jy vir die res van jou lewe gratis Raad van Deskundiges oor enige Duiwe-probleme.

Stuur jou lesgelde aan:  
DUIWEBOERDERY-DEPARTEMENT  
BOERDERY-KORRESPONDENSIE-  
KOLLEGE

POSBUS 180

STELLENBOSCH

## Die Maand Desember

Ek verjaar in die maand Desember, die agste. Aangesien ek maar nog tien jaar is, weet ek nie veel wat in ons geskiedenis gebeur het nie.

Op die 7de Des. is Generaal Beyers in Vaalrivier verdrink. Op die 8ste Des. het hulle sy lyk gekry.

Op die 16de Des. 1838 het Carel Cilliers die belofte voor God gedoen as 'n gedenktag aan die oorwinning.

Ook dink ons aan die 19de Des. 1914 toe Jopie Fourie veroordeel is en op die 20ste Des. op Sondagnôre doodgeskiet is.

Ek sou dink dat die maand Desember voor ons staan as 'n roepende maand.

Ook voel ek trots om te dink dat ons groot Boerejeuglaertrekking te Franschhoek op my verjaardag begin.

WIKKIE VERMEULEN.  
Alheit.

# Veldm. Smuts Het Misdadegolf Verwag

Daar is geen rede om paniekerig te raak oor die misdadegolf nie, het veldm. J. C. Smuts aan 'n vrou-afvaardiging verklaar. Die misdadegolf moes 'n mens na die oorlog verwag het. Dit volg altyd op oorlog. Hy meen dat die misdadegolf in ander lande veel erger is as in Suid-Afrika.

Nietemin is die regering voornemens om ferm op te tree teen die misdadegolf en een van die stappe wat gedoen word is om die getalle van sowel die blanke as die nie-blanke polisie uit te brei.

Oor die kwessie van leegloper-naturelle en die instroming van naturelle uit die reserves het die eerste minister verklaar dat dit in die hande van die stadsrade is. Hy weet nie of sommige stadsrade nie gebruik maak van hul magte nie. Hy kan daar egter niks aan doen nie en hy is ook nie bereid om druk uit te oefen nie.

Die Eerste Minister het verklaar dat hy saamstem dat swaarder strawwe in sommige gevalle behoort opgelê te word, en het toegegee dat daar veel te sê is vir hoër salarisse vir die polisie.

Amptelike syfers wat deur die polisie op Marshall-plein verstrek is van die aantal moorde wat in die afgelope paar maande aan die Witwatersrand (met inbegrip van Vereeniging) aangemeld is, is soos volg: September 26, Oktober 29, November 35.

Hierdie syfers sluit in sterfgevallen wat plaasgevind het na bakleierye, rusies of drinkerye.

Die inwoners van die Johannesburgse voorstede Malvern en Belgravia het op 'n vergadering besluit tot die stigting van 'n vrywillige beskermingskorps wat die strate van die twee voorstede sal patroleer.

Op 'n protesvergadering teen die misdadegolf wat in Pretoria gehou is, het mev. (prof.) E. P. Groenewald verklaar:

„Dis hoogs bevreesdend dat ons vandag van die naturel 'n vyandigheid ontvang wat in

vreeslike vorme uiting vind. Ons staan voor die vraag: Wie het die naturel geleer om die blanke tot moordens-tee te haat? Wie het by hom denkbeelde vasgelê dat hy die gelyke is van die blanke? Wie het hom wysgemaak dat die blanke sy bestaansmoontlikhede beroof? Wie is dit wat die naturel 'n paleis wil aanbied nog voordat hy die hut ontgroei het? Wie het hom van sy gewete en rede beroof?”


Haar antwoord was:

„Dit is hulle wat die naturel nodig het as springstof . . . om die rewolusie te verwek wat hulle in elke land deurgevoer wil hê — die klasse-rewolusie van die Bolsjewisme.”

### „RASSE-OPSTOOTJIES”

„Die verhouding tussen blank en nie-blank was nog nooit slegter as tans nie”, verklaar die Kaapstadse kommunistiese blaadje Guardian in vet letters. Die blaadje wyt dit aan die agitatie wat ontstaan het as gevolg van die huidige misdadegolf. Verder verklaar die blaadje dat „bevoegde waarnemers” die mening huldig dat „rasse-opstootjies” onvermydelik is as die bestaande situasie toegelaat word om te ontwikkel.

Hierdie kommunistiese blad neem ook die koerante wat hul lesers se aandag pertinent by die huidige misdadegolf bepaal, baie kwalik.



'n Deel van die re-use-stoet wat in gelid die laaste eer bewys het aan wyle jeugveldkt. Killie Theron wat op Franschoek aan sy hart beswyk het onderwyl hy geswem het. Op die foto is 'n deel van die Boerejeug-erewag te sien met die O.B.-wag en 'n groep O.B.-vroue. In die voorgrond stap genl. J. A. Smith saam met offisiere van die wag.



Die erewag by die graf van wyle Killie Theron nadat 'n groot aantal kranse gelê is. 'n O.B.-Vlag en sy skouerlint is saam met die kis neergelaat.

## Swaar Vonnis Ook Doodstraf — Se Minister

Die berigte oor misdade wat elke dag in die koerante verskyn, is so veelvuldig dat dit nie almal aangehaal kan word nie. Mens lees met skokke en afsku van moord en doodslag van blanke mans en vrouens; die verkragting van blanke vroue en meisies; aanranding op blankes; en die berowing en plundering van blankes se goed en eiendom.

En dit bou maar so aan. Vir doeleindes van afskrikking sowel as straf lê die regters nog steeds swaar vonnisse op. Regter Maritz het verlede week twee naturelle wat 'n onderwyser aangerand het, elk veroordeel tot 20 jaar tronkstraf en vyftien houe met die rottang.

„Julle is so gevaarlik soos mambas”, het die regter gesê.

### MINISTER SE VERKLARING

Sapa berig uit Pretoria dat mnr. Harry Lawrence, Minister van Justisie, aldaar verklaar het dat alle geweldpleging, met inbegrip van gewelddade waarin gevaarlike wapens gebruik word, voortaan deur 'n regter sonder 'n jurie verhoor sal word, en in gevalle van skreiende aanranding kan die doodstraf opgelê word. Die vonnis vir enige gewelddaad sal minstens vyf jaar dwangarbeid wees.

Minister Lawrence het gesê dat noodregulasies aanstaande week geproklameer sal word in verband met die instelling van spesiale howe om al sulke sake te verhoor. Hy het voorts gesê dat die regering besluit het om deur middel van 'n werwingsveldtog die polisiemag doeltreffend uit te brei en om hul salarisskale en kanse op bevordering grootliks te verhoog.

## TERUG NA WARE CHRISTENDOM

Hoofgenl. ds. S. J. Stander, voorsitter van die Grootraad, skryf:

— Ds. Stander

Andermaal nader Kersfees en Nuwejaar: 'n Tyd van slagting, verwoesting, vervolging, haat, nyd, twis en venyn, soos aan die geskiedenis onbekend, het god-dank tot 'n mate van afkoeling en bedaring gekom. Verby is dit, helaas, hoegenaamd nie.

Dit het van front en metode wel verander maar duur, helaas, in ander vorm nog voort. Nou is dit afrekening met andersvoelende en -denkende, asof 'n klein klompie toevallige maghebbers die monopolie van sen-

### Vir Twee Weke Geen O.B.


Op 26 Desember en 2 Januarie sal Die O.B. nie verskyn nie. Hierdie uitgawe van ons blad is dus die laaste van die jaar, en bevat ook 'n boodskap van die Kommandant-generaal.

Ons eerste verskyning is weer op 9 Januarie.

timent en gedagte besit en hulle nogal mense wat sogenaamd vir vryheid en reg die swaard teen tirannie getrek het. Nou is hulle self 'n prooi daarvan. Hulle doen nou veel erger en yweriger mee aan wat hul by die ander wou teengaan.

Wat 'n toestand in die wêreld buite Christus! Offisiere en Brandwagte, na die ware Christendom terug moet ons leuse vir die toekoms wees, God is Opperheerser en alleen wie tot Hom in die regte verhouding staan, is veilig teen die vuil vloed van sonde en ongeregtigheid wat die wêreld oorstroom.

U en ek wat gestaan het vir die leuse: My God, my Volk, my land, Suid-Afrika, wat ons volk wou bevry van die vreem-



de, ingevoerde, Britse partystelsel en terugvoer na die Bybelse standpunt van geen party maar volk in sy geheel en na die Christelike beginsel van broeder- en hoederskap, het weens onkunde, misverstand en wanvoorstelling deur liefhebbers van die Britse toorstelsel ons deel gehad aan haat, nyd en vervolging.

Van bo is ons gesterk om die moed nie op te gee nie, maar te volhard. Herinner u die geskiedenis van alles wat goed en reg is en u sal sien dit het maar altyd swaar gegaan om wat goed en reg is in die wêreld vol sonde en ongeregtigheid te laat ingang vind maar in die bloed van martelare en op die as van selfopoffering het dit tog gegroei en gebloei totdat dit die sege bereik het.

Laat die volharding van Voortrekkers u inspireer en die offerande van Christus u sterkte, troos en besieling wees.

Met God oor 'n muur, elke muur, en deur 'n bende, elke bende, in die toekoms!

Geseënde Kersfees en voorspoedige Nuwejaar.

Die Volksfront is daar . . . Die behoefte is daar . . . Die geleentheid is daar . . . Is u daar?

### Geleentheid vir

## GEKWALIFISEERDE

Manne



Suid-Afrika ontwikkel snel. Groot navorse uitbreidingskemas deur Staatsdepartemente en nywerheidsondernemings sal nuwe vooruitsigte aan OPGELEIDE manne bied.

Manne en vroue met ambisie het dit reeds opgemerk — hulle berei hulle NOU reeds voor ten einde die betrekking wat welvaart meebring, te kan beklee wanneer die geleentheid hom aanbied — 'n goeie posisie, geld om goed van te leef, veiligheid vir hulself en hul gesinne.

Wat doen U daaromtrent? U wil nie

Skryf om PROSPEKTUS en VRY advies vir Toekomsplanne.

agterby by jonger, energieke manne nie — en u hoef ook nie. Die geheim van sukses lê in OPLEIDING opgesluit.

U kan vandag die beste opleiding bekom wat nog ooit in Suid-Afrika aan iemand aangebied is — opleiding onder deskundige leiding van voltydse en deeltydse lektore van die T.A.K.K. — Afrika se grootste en suksesvolste korrespondensiekolleges. Honderde studente van T.A.K.K. beklee reeds invloedryke en goed besoldigde betrekkinge. U kan in hulle sukses deel as u NOU handel.

## TRANSAFRIKAANSE KORRESPONDENSIEKOLLEGES

Departement O.B., Bus 640, PRETORIA.



waarby ingelyf is Universiteits-korrespondensiekursusse (Edms) Bpk, Pretoria en Helpmekeer-Korrespondensiekollege, T.O., Johannesburg.